

GOBIERNO A DICIDI DI CONSTRUI SCHOOL Y AMPLIA LOCALNAN

ORANJESTAD(AAN) -- Ministro di Bienestar General, encarga tambe cu Enseñanza, Fredis Refunjol a duna di conoce na DIARIO cu Consejo di Ministro a tuma e decision pa construi y amplia algun school debi na e scarcedad di localidad pa duna les cu ta existi den cierto distric-

tonan.

Gobierno a dicidi cu lo construi un kleuter school nobo na Madiki di cual e gastonan total ta suma 1.6 Mijon Florin.

Segun Refunjol, e gastonan di construccion ta encera e localidadnan di les cu ta cubri un supervicie di 702 meter cuadra,

galarianan cu ta 278 meter cuadra, lugar recreativo di mas o menos 343 meter cuadra, instalacion electrico, cura y asfalta e tereno escolar.

Tambe ta asina cu Gobierno a tuma e decision pa construi un school basico na Sero Blanco cu lo costa mas o menos

2 Mijon Florin. Ambos proyecto segun Refunjol mester worde entrega pa e aña escolar 1992/1993.

El a sigui bisa cu ademas di e dos proyectonan aki, Gobierno a tuma e decision tambe pa amplia e school di Kadushi Largo, esta St. Jan School cu 3 local pa kleuter. E gastonan total envolvi den e proyecto aki ta casi Mey Mijon Florin.

Segun Refunjol, debi na e gran necesidad den e distrito aki pa dicho localnan, esakinan mester ser entrega pa e periodo escolar venidero esta 1991/1992.

Ademas den e siman aki Consejo di Ministro lo tuma e decision pa converti Paso Sigur den un school di enseñanza

basico.

Refunjol a enfatisa cu e demanda pa localidadnan no tin di haber cu e cantidad di muchanan extranhero cu ta sigui nan estudio na Aruba.

El a indica cu e crecimiento drastico di e pueblo Arubano mes y e grupo di Arubianonan cu a regresa nan pais for di Antiyas Neerlandes y Hulanda basicamente ta e motibo pa cual actualmente tin un scarcedad di localidadnan pa duna les den cierto districtonan na Aruba.

Refunjol a enfatisa cu Gobierno tin pensa pa construi un school mas pa e pueblo di Noord, pero Gobierno ta pendiente informacion completo y corecto pa sigui planea dicho construccion.

ARUBIANO DEN CONSEHO EHECUTIVO DI ACURIL NA CARACAS

ORANJESTAD (AAN): Siman pasa un total di 8 persona di staf di Biblioteca Nacional, incluyendo directora Alice van Romondt a atende e conferencia anual di Bibliotecanan di Caribe y Latino America na Caracas.

Tabata tin 21 pais presente cu un total di 400 participante. E tema central tabata e buki, e fluho di informacion den Caribe, su caracteristicanan y su problema y posible solucionnan mira for di diferente angulo.

Conhuntamente cu sesionnan plenario durante cual Alice van Romondt a tene un discurso, tambe

tabata tin reunionnan den gruponan di interes specifico pa e grupo di Bibliotecanan Nacional, grupo di Bibliotecanan Universitario, grupo di Adquisicion Caribeño, grupo di Bibliotecanan publico y escolar.

Un workshop a worde teni na Universidad Central di Venezuela bao di e tema: "Planificacion ora cu un biblioteca ta bay automatiza."

Entre otro Roque Dirksz di Biblioteca di Aruba a participa na e workshop sumamente interesante y educativo aki. Diferente bishita na diferente Biblioteca a worde realiza.

Diabierna 24 di Mei,

durante di e reunion plenario administrativo di Acuril, eleccion di Consejo a tuma lugar. Des Croes a worde eligi representando e grupo di miembronan personal di Acuril.

Rose Marie de Paula, directora di Biblioteca di Curaçao a worde eligi pa representa e grupo di miembronan institucional di Acuril.

Acuril ta e organizacion cu a worde presidi pa Alice van Romondt na 1986 - 1988 y di cual organizacion Biblioteca ta miembro desde 1978.

Biblioteca Nacional ta felicita Des Croes cu e logro importante aki.



INTERNATIONAL SCHOOL OF ARUBA

Accredited by the New England Association of schools and Colleges and the European Council of International Schools.

Seroe Colorado, Tel 45365 Fax 47341

Registration is now open for the 1991/92 school year, nursery school through grade 12, ages 3-1/2-19

- Curriculum tailored to international students' needs.
- Language of instruction; English
- Accredited by the New England Association of schools and Colleges, and the European Council of International Schools.
- 10 to 1 student-teacher ratio.
- High academic standards with cultural emphasis.
- New state-of-the-art computer lab, 18 stations, a computer in each Elementary classroom.
- 'Discovery Program' for middle and high school career and college planning
- 'IBM Writing to Read' for Kindergarden through first grade.
- Foreign languages offered: Dutch, French 5-12 grades and Spanish K-12.
- After-school activities including competitive sports, drama, yearbook, chess clubs.
- Secure campus.
- Highly qualified experienced, international faculty members.
- English as a Second Language (ESL).
- Boarding possible.
- Classes limited to 18 students.
- Full time guidance and career counselor.

Admission based on interview, testing and previous school records.

Final decisions for students coming from non-English speaking schools will be based on August 14, 1991.

For information and application call tel. 45365

